



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba



BOSNA I HERCEGOVINA
Federacija Bosne i Hercegovine
PARLAMENT FEDERACIJE
SARAJEVO

BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

Broj: 04-1-1-3545/24
Sarajevo, 12.07.2024. godine

Primljeno: 17-07-2024			
Org. jed.	Broj	Priloga	Vrijednost
05/1	-02-	367	/24

Bosna i Hercegovina
Federacija Bosne i Hercegovine
Parlament Federacije
Zastupnički/Predstavnički dom

n/p Tajnik/Sekretar, g.Ivan Miličević

Predmet: Veza Vaš akt broj: 05/1-02-367/24 od 27.06.2024. godine

Poštovani,

Vašim aktom broj: 05/1-02-367/24 od 27.06.2024. godine, dostavili ste Agenciji za bankarstvo Federacije Bosne i Hercegovine (u daljem tekstu: Agencija) zastupničko pitanje koje je na 12. redovnoj sjednici Zastupničkog doma Parlamenta Federacije Bosne i Hercegovine održanoj 26.06.2024. godine, postavio zastupnik Admir Čavalić.

Navedenim pitanjem je od Agencije traženo da odgovori da li je na području Federacije Bosne i Hercegovine moguće poslovanje neobanke, te ako nije, koje su prepreke.

Prije svega ističemo da iz dostavljenog upita nije precizirano kojim djelatnostima bi se bavila nobanka (primanje i polaganje depozita ili drugih sredstava sa obavezom vraćanja, otvaranje i vođenje računa, platni promet, kreditiranje, izdavanje elektronskog novca, poslovanje s kriptovalutama i dr.)

Postupak osnivanja banke koja posluje na teritoriju Federacije BiH definisan je odredbama Zakona o bankama („Službene novine Federacije BiH“, broj 27/17), te je u okviru člana 12. Zakona o bankama i člana 5. Odluke o uslovima i postupku za izdavanje, odbijanje izdavanja i ukidanje dozvole za rad banke („Službene novine Federacije BiH“, broj 90/17) definisan postupak izdavanja dozvole za rad.

Zakonodavni okvir Federacije Bosne i Hercegovine ne definiše rad i poslovanje neobanaka, odnosno digitalnih banaka, kao ni poslovanje povezano sa kriptovalutama i izdavanja elektronskog novca, što između ostalog predstavlja djelatnost digitalnih banaka.

Činjenica je da se uspostavljaju novi poslovni modeli koji podrazumijevaju rad digitalnih banaka, poslovanje povezano s kriptovalutama i dr., a što u svijetu, EU i regiji ima različit tretman.

Slijedom navedenog, mišljenja smo da, regulacija i nadzor poslovanja digitalnih banaka, poslovanja povezanog sa kriptovalutama i drugom digitalnom imovinom, je neophodna, posebno kako bi se odredila prava i obaveze svih učesnika realizacije takvog vida poslovanja i transakcija, uključujući postupanje banaka sa aspekta propisa čiji je banka obveznik primjene.

Da bi banka, kao nosilac platnog prometa mogla adekvatno i pouzdano upravljati rizicima kojima je izložena, posebno rizicima koji proističu iz upravljanja inforacionim sistemom, te u cilju uspostave i provođenja efikasnog sistema internih kontrola u područjima poslovanja koji uključuju i digitalno poslovanje, zatim radi osiguranja povjerljivosti, integriteta i dostupnosti informacija i cjelokupnog informacionog sistema kod digitalnog poslovanja, dužna je poduzeti aktivnosti saglasno odredbama čl. 79. – 88. Zakona o bankama („Službene novine Federacije BiH“, broj 27/17), za što smatramo da je neophodno imati regulisan pojam i tretman neobanke i virtualne imovine.

Shodno navedenom, mišljenja smo da poslovanje koje je specifično za digitalne banke, ali i tržište kriptovaluta i izdavanja elektronskog novca u Federaciji Bosne i Hercegovine nije adekvatno uređeno i da nosi povećane rizike, te je neupitna potreba za jasnom i potpunom regulacijom predmetne materije kako bi se uspostavila ravnoteža između interesa korisnika digitalnih usluga, posebno izdavanja elektronskog novca i poslovanja s kriptovalutama i smanjenja relevantnih rizika koje isto podrazumijeva za finansijski sistem i korisnike usluga.

S poštovanjem,



DIREKTOR

Jasmin Mahmučić